

Zaidatul puas walau rekod tak diiktiraf

Pelari negara tetap gembira dengan pencapaiananya

Aida Adilah Mat

aida_adilah@hmetro.com.my

Kuala Lumpur

Pelari pecut wanita negara Zaidatul Husniah Zulkifli (*gambar*) hampir melakar sejarah olahraga negara apabila berjaya mengatasi rekod kebangsaan milik G Shanti.

Bagaimanapun selepas keputusan rasmi dikeluarkan pengangur Kejohanan AGN League 7 di Pretoria, Afrika Selatan kelmarin, catatan 11.36 saat yang dilakukan oleh Zaidatul tidak diiktiraf sebagai rekod kebangsaan kerana dibantu oleh tiupan angin yang mencecah 2.5 km/j.

Namun bagi Olimpian negara itu catatan itu sudah cukup membuatkan dia

gembira kerana misinya sebelum ke Afrika Selatan tercapai.

Dia yang dihubungi semalam mengakui terkejut selepas melihat masa yang direkodkan itu biarpun sekadar menamatkan saingan di tempat kedua dalam acara 100 meter.

"Biarpun ia bukan rekod kebangsaan tapi saya gembira apabila berjaya mengatasi pencapaian terbaik 11.62s yang dilakukan di Palembang tiga tahun lalu.

"Catatan itu memberi saya semangat untuk terus mengekalkan rentak konsisten sebelum mencapai kemuncak prestasi di Sukan SEA nanti."

"Terima kasih kepada semua terutama jurulatih M Balamurugan dan rakan yang sentiasa memberikan dorongan," katanya.

Perlumbaan akhir acara itu dikuasai Alyssa Conley dari Amerika Syarikat (11.34s) dan tempat ketiga milik rakan se-negara S Komalam (11.65s).

Zaidatul yang dikenali sebagai Adik dalam kalangan rakan bagaimanapun tidak mahu menaruh harapan tinggi di kejohanan yang bakal disertai selepas ini namun mengharapkan pengalaman yang diperoleh sepanjang di Afrika Selatan akan membantunya pada Sukan SEA.

Dua tahun lalu, Zaidatul dikatakan bakal mendominasi acara 100m Sukan SEA apabila mengungguli ranking Asia Tenggara.

Namun pengalaman memisahkan impian emas atlet kelahiran Pulau Pinang itu apabila sekadar menamatkan larian di tempat keempat.

Justeru Zaidatul mengha-

PENCAPAIAN ATLET OLAHARAGA PADA KEJOHANAN AGN LEAGUE 7

SENARAI ATLET

100M LELAKI:

10.47s	Khairul Hafiz Jantan
10.66s	Jonathan Nyepa
10.73s	Mohd Haqal Hanafi

100M WANITA:

11.36s	Zaidatul Husniah Zulkifli
11.65s	Komalam Shally Selveratnam
11.68s	Siti Fatimah Mohamad

200M-LELAKI:

21.53s	Jonathan Nyepa
--------	----------------

200M WANITA:

23.80s	Zaidatul Husniah Zulkifli (PB)
24.37s	Komalam Shally Selveratnam
24.67s	Siti Fatimah Mohamad

400M LELAKI:

48.03s	Muhammad Azam Masri
47.62s	Badrul Hisyam Abdul Manap (PB)

400M WANITA:

55.53s	Shereen Samson Vallabouy
56.42s	Faizah Asma Mazalan

rapkan doa rakyat Malaysia buat dirinya berjaya menghasilkan emas di tanah air sendiri Ogos ini.

